

O B A V J E Š T E N J E

Ovim putem obavještavamo sve zainteresovane da je Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde objavilo:

Poništenje Javnog oglasa za izbor i imenovanje predsjednika i članova Upravnog odbora Zavoda zdravstvenog osiguranja Bosansko-podrinjskog kantona Goražde, objavljenog u dnevnim novinama "Oslobođenje" od 26.11.2021. godine i "Službenim novinama FBiH" broj: 96 od 01.12.2021. godine, te raspisalo:

PONOVNI JAVNI OGLAS ZA IZBOR I IMENOVANJE PREDSJEDNIKA I ČLANOVA UPRAVNOG ODBORA ZAVODA ZDRAVSTVENOG OSIGURANJA BOSANSKO-PODRINJSKOG KANTONA GORAŽDE

Predmetni javni oglas je objavljen dana 19.01.2022. godine u listu "Dnevni avaz", a objaviće se i u Službenim novinama FBiH, na službenoj web. stranici Vlade Bosansko-podrinjskog kantona Goražde: www.bpkg.gov.ba i Oglasnoj ploči BPK Goražde, oglas ostaje otvoren 15 (petnaest) dana od dana posljednjeg objavljivanja.

Prijave sa traženom dokumentacijom iz Javnog oglasa dostaviti lično ili poštom preporučeno, na slijedeću adresu:

Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, ul. 1. Slavne Višegradske brigade 2a, Goražde.

(Sa naznakom: **"PRIJAVA NA JAVNI OGLAS ZA IZBOR I IMENOVANJE PREDSJEDNIKA I ČLANOVA UPRAVNOG ODBORA ZAVODA ZDRAVSTVENOG OSIGURANJA BOSANSKO-PODRINJSKOG KANTONA GORAŽDE- NE OTVARAJ"**)

Za sva dodatna pitanja možete se obratiti Ministarstvu na kontakt telefon: 038/228 - 439.

**MINISTARSTVO ZA SOCIJALNU POLITIKU
ZDRAVSTVO, RASELJENA LICA I IZBJEGLICE
BOSANSKO – PODRINJSKOG KANTONA GORAŽDE**



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 34/03 i 65/13), i člana 101. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/02, 70/08, 48/11 i 36/18), a u skladu sa članom 13., 14., i 15. Zakona o kantonalnom Zavodu zdravstvenog osiguranja („Službene novine BPK Goražde“, broj: 8/97, 8/99 i 5/16), Kriterijima za imenovanje u upravne odbore zdravstvenih ustanova i Zavoda zdravstvenog osiguranja Bosansko-podrinjskog kantona Goražde („Službene novine BPK Goražde“, broj: 2/04), te Zaključkom Vlade Bosansko-podrinjskog kantona Goražde, broj: 03-04-2435/21 od 30.12.2021. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, **objavljuje:**

PONIŠTENJE JAVNOG OGLASA

za izbor i imenovanje predsjednika i članova Upravnog odbora
Zavoda zdravstvenog osiguranja Bosansko-podrinjskog kantona Goražde

Poništava se Javni oglas za izbor i imenovanje predsjednika i članova Upravnog odbora Zavoda zdravstvenog osiguranja Bosansko-podrinjskog kantona Goražde, objavljen u dnevnim novinama „Oslobođenje“ 26.11.2021. godine, na web.stranici Vlade Bosansko-podrinjskog kantona Goražde www.bpkg.gov.ba te u „Službenim novinama Federacije Bosne i Hercegovine“, broj 96. od 01.12.2021. godine, i **raspisuje:**

PONOVNI JAVNI OGLAS

**za izbor i imenovanje predsjednika i članova Upravnog odbora
Zavoda zdravstvenog osiguranja Bosansko-podrinjskog kantona Goražde**

Objavljuje se Ponovni Javni oglas za izbor i imenovanje predsjednika i članova **Upravnog odbora Zavoda zdravstvenog osiguranja Bosansko-podrinjskog kantona Goražde**, i to:

- tri (3) člana - iz reda osiguranika zdravstvenog osiguranja
- dva (2) člana - iz reda poslodavaca
- četiri (4) člana - iz reda zdravstvenih radnika

Opis pozicije člana Upravnog odbora: zajedno sa ostalim članovima i uz konsultacije sa Kantonalnim ministarstvom za socijalnu politiku, zdravstvo, raseljena lica i izbjeglice i osnivačem: utvrđuje program djelatnosti prikupljanja sredstava obaveznog zdravstvenog osiguranja, uređuje politiku korištenja sredstava obaveznog zdravstvenog osiguranja, donosi Statut Zavoda uz saglasnost Skupštine Kantona i druge opšte akte za čije je donošenje ovlašten zakonom, uređuje plan raspodjele finansijskih sredstava, utvrđuje godišnji program rada i usvaja godišnji izvještaj o radu Zavoda i njegove stručne službe, podnosi osnivaču najmanje jedanput godišnje izvještaj o poslovanju Zavoda, te vrši druge poslove u skladu sa Zakonom o zdravstvenom osiguranju i Zakonom o Kantonalnom zavodu zdravstvenog osiguranja Goražde, Statutom Zavoda zdravstvenog osiguranja BPK Goražde, te drugim zakonima i propisima koji uređuju ovu oblast.

Upravni odbor Zavoda imenuje Vlada BPK Goražde, na prijedlog Ministra za socijalnu politiku, zdravstvo, raseljena lica i izbjeglice BPK Goražde, na mandatni period od dvije (2) godine.

Kandidati koji se kandiduju za navedene pozicije dužni su ispunjavati slijedeće uslove:

OPĆI USLOVI:

1. da je državljanin Bosne i Hercegovine (dokaz:uvjerenje o državljanstvu ili ovjerena fotokopija ne starije od šest mjeseci),
2. da je stariji od 18 godina (dokaz: rodni list ili ovjerena fotokopija rodnog lista ne starije od šest mjeseci),
3. da nije otpušten/a iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u period od tri (3) godine prije dana objavljivanja upražnjene pozicije (dokaz: izjava kandidata potpisana i ovjerena od strane nadležnog organa),
4. da se na kandidata ne odnosi član XI.1. Ustava Bosne i Hercegovine – da nije pod optužnicom Međunarodnog tribunala za bivšu Jugoslaviju (dokaz: izjava kandidata potpisana i ovjerena od strane nadležnog organa),
5. da se protiv lica ne vodi krivični postupak (dokaz: Uvjerenje Općinskog suda ne starije od tri mjeseca),
6. da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (dokaz: izjava kandidata potpisana i ovjerena od strane nadležnog organa),
7. da nije u sukobu interesa u smislu Zakona o sukobu interesa u institucijama vlasti Bosne i Hercegovine i Zakona o sukobu interesa u organima vlasti Federacije Bosne i Hercegovine (dokaz: izjava potpisana i ovjerena od strane nadležnog organa),
8. da nije direktor zdravstvene ustanove, odnosno Zavoda (dokaz: izjava kandidata potpisana i ovjerena od strane nadležnog organa),
9. da nema privatni-finansijski interes u Zavodu u čiji se upravni odbor kandiduje (dokaz: izjava kandidata potpisana i ovjerena od strane nadležnog organa)
10. da nisu članovi upravnog odbora u više od jedne zdravstvene ustanove, odnosno Zavoda (dokaz: izjava kandidata potpisana i ovjerena od strane nadležnog organa).

POSEBNI USLOVI:

1. da ima završen VII ili VI stepen stručne spreme zdravstvenog ili društvenog smjera (dokaz: ovjerena fotokopija diplome),
2. da ima najmanje tri (3) godine radnog iskustva u poslovima svog stručnog zvanja, odnosno poslovima zdravstvenog osiguranja (dokaz: potvrda o radnom iskustvu),
3. da ima stručno znanje iz djelatnosti Zavoda, te da je upućen u sadržaj i način njegovog rada (dokaz: izjava kandidata potpisana i ovjerena od strane nadležnog organa),

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od šest mjeseci, kao dokaz o ispunjavanju općih i posebnih uslova traženih ovim oglasom.

Kandidati koji se prijavljuju na Javni oglas dužni su u prijavi navesti za koju se poziciju prijavljuju (iz reda osiguranika ili reda poslodavaca ili iz reda zdravstvenih radnika).

Javni oglas ostaje otvoren 15 /petnaest/ dana od dana posljednjeg objavljivanja, a objaviće se u dnevnim novinama „Dnevni avaz“, Službenim novinama FBiH, na službenoj web.stranici Vlade BPK-a Goražde: www.bpkg.gov.ba i Oglasnoj ploči BPK-a Goražde.

Sve dodatne informacije možete dobiti na službenoj web.stranici Vlade BPK-a Goražde: www.bpkg.gov.ba, Oglasnoj ploči BPK-a Goražde ili direktno na kontakt telefon: 038/243-086.

Prijave sa traženom dokumentacijom se dostavljaju lično ili poštom preporučeno, na adresu:

**Ministarstvo za socijalnu politiku, zdravstvo, raseljena lica i izbjeglice BPK Goražde,
ul. 1. Slavne Višegradske brigade 2a. Goražde, sa naznakom:
“Prijava na Javni oglas za izbor i imenovanje predsjednika i članova Upravnog odbora
Zavoda zdravstvenog osiguranja BPK Goražde-NE OTVARAJ”**

Nepotpune i neblagovremene prijave neće se uzimati u razmatranje.

**Ministarstvo za socijalnu politiku, zdravstvo,
raseljena lica i izbjeglice BPK-a Goražde**